

四庫全書

史部

# 欽定四庫全書

史部

御批歷代通鑑輯覽卷四十五

詳校官侍講臣王燕緒

編修臣裴謙慶勘

總校官舉人臣章維桓

校對官編修臣吳舒帷

謄錄監生臣龔述祖

欽定四庫全書

御批歷代通鑑輯覽卷四十五

南北朝

梁承聖元年魏主欽

春正月魏宇文泰自加都督中

外諸軍

三月梁武陵王紀伐江陵魏遣大將軍尉遲迴

尉遲魏之別部

後以為紀迴字伐成都以敗之

武陵王紀帥諸軍東下留蕭撫守成都梁主甚懼與

魏書曰子糾親也請君討之

左傳語

宇文泰曰取蜀制

梁在茲一舉諸將咸難之大將軍尉遲迴泰之甥也獨以為可克泰問以方畧迴曰蜀與中國隔絕百有餘年恃其險遠不虞我至若以鐵騎兼行襲之無不克矣泰乃遣迴自散關

注見前

伐蜀至涪水潼州刺史

楊乾運以州降迴分兵守之進襲成都蕭撫嬰城自守迴圍之紀聞有魏兵遣梁州刺史譙淹還救蜀迴擊破之初紀世子圓照鎮巴東啟紀云侯景未平荆

鎮已為所破宜急進討紀信之趣兵東下及至巴東  
知景已平乃悔召圓照責之對曰侯景雖平江陵未  
服紀亦以既稱尊號不可復為人下欲遂東進將卒  
日夜思歸皆以為宜救根本更思後圖圓照及劉孝  
勝固言不可紀從之遂至西陵護軍陸法和拒之于

峽口

先是法和既擒任約還請梁主曰侯景平矣蜀  
賊將至請守險以待之乃引兵屯峽口及是紀

至軍勢甚盛法和築二城于峽口兩岸運石填江鐵  
鎖斷之梁主拔侯景故將任約謝答仁于獄配兵使

助法

夏六月梁復以王琳為湘州刺史陸納降

先是王僧辯及蕭循進攻陸納拔其二城納衆大敗走保長沙僧辯進圍之至是梁主遣使送王琳令說諭納僧辯使送示之納衆悉拜且泣使謂僧辯曰朝廷若赦王郎乞聽入城梁主從之納遂降梁主復琳官爵使將長沙兵西援峽口

秋七月梁武陵王紀衆潰梁主殺之及其諸子

武陵王紀遣將軍侯覲與陸法和相拒梁主遣使與

鮮果有推梨鏡  
其之心其畫像  
釘體及密較樊  
猛又何為哉內  
實指忌外託文  
言以自解其執  
信之

紀書許其還蜀專制一方紀不從

梁主復與紀書曰  
吾年為一日之長

屬有平亂之功府此樂推事歸當壁倘遣使乎良所  
希也如曰不然于此投筆兄肥弟瘦無復相見之期  
讓棗推梨永罷推愉之  
日心乎愛矣書不盡言紀頻兵日久頻戰不利又聞

魏寇深入成都孤危憂邁不知所為乃遣樂奉業詣

江陵求和奉業啟梁主曰蜀軍乏糧士卒多死危亡

可待梁主遂不許其和巴東民斬峽口城主降于王

琳謝答仁任約進攻侯叡破之于是兩岸十四城俱

降紀不獲退順流東下將軍樊猛

字智武南陽湖陽人

追擊之

紀衆大潰赴水死者八十餘人猛圍而守之梁主密  
救猛曰生還不成功也猛遂斬紀及其幼子圓滿陸  
法和收圓照兄弟三人送江陵梁主絕紀屬籍曰饗  
氏  
下圓照等于獄絕其食至嚙臂啖之十二日而死遠  
近聞而悲之

八月成都降魏魏以尉遲迴為益州刺史

魏尉遲迴圍成都五旬蕭撫屢戰皆敗乃請降諸將  
欲不許迴曰降之則將士全遠人悅攻之則將士傷



湘東雖還據建康亦未能保其不改第就彼時形勢而論建康尚有險要可憑江陵則偏隅受敵強弱判然乃宗懷等皆安土

遠人懼遂受之吏民皆復其業唯收奴婢及儲積以

賞將士軍無私焉魏以迴為益州刺史

已而魏命迴自劍閣以南

得承制封拜黜陟迴明賞罰布威恩綏輯安民經畧未附華夷懷之

九月梁遣王僧辯還建康陳霸先還京口

梁主下詔將還建康將軍宗懷

字元懷涇陽人

黃羅漢皆楚

人不願移胡僧祐亦以為不可梁主令朝臣議之會

者五百人梁主曰勸吾去者左袒左袒者過半朱買

臣言于梁主曰建康舊都山陵所在荆鎮邊疆非王

重遭解復優柔  
寡斷既卜而徒  
仍不決下策卒  
如魏人所料坐  
待滅亡庸劣無  
斷之人自取禍  
敗卒如此

者之宅願陛下勿疑以致後悔臣家在荊州豈不願

陛下居此但恐是臣富貴非陛下富貴耳

梁主使術士杜景豪

卜之不吉對曰未吉退而言曰此兆為鬼賊所留也梁主以建康凋殘江陵全

盛意亦安之卒從僧祐等議乃詔王僧辯還鎮建康

陳霸先復還京口

梁以陸法和為郢州刺史

法和為政不用刑獄專以沙門法及西域幻術教化

部曲數十人

已而法和上表自稱司徒梁主怪之僕射王襲曰法和既有道術容或先知梁

主乃就拜之王襲  
字子深儉之曾孫

齊納蕭退

鄱陽王恢之子

于梁不克

齊主使郭元建治水軍于合肥將襲建康納梁湘潭

侯退梁主使南豫州刺史侯瑱與戰于東關

注見前

敗

之齊師退

是冬齊宿預民東方白額以城降梁梁江西州郡皆起兵應之

冬十一月突厥攻柔然齊主擊之遷柔然于馬邑川

注見

前突厥請降

先是突厥伊利可汗死弟木杆侯斤立

木杆剛勇多智數善用兵

鄰國畏之

至是木杆攻柔然柔然舉國奔齊齊主擊突厥  
迎納柔然廢其可汗庫提立阿那瓌子菴羅辰為可  
汗置之馬邑川給其廩餼繒帛親追突厥突厥請降  
許之而還自是貢獻相繼

甲梁承聖三年魏恭帝  
戊廓元年齊天保五年

春正月齊主擊山胡敗之

齊主討山胡大破之男子十三以上皆斬女子及幼

弱皆賞軍遂平石樓

山名在山西汾州府石樓縣東  
南水經注蒲川水出石樓山即

此

石樓絕險自魏世所不能至于是遠近山胡莫不

懾服

有都督戰傷其什長不能救齊主命創其五藏令九人食之肉及穢惡皆盡自是始為威虐

# 魏作九命九秩之典

宇文泰始作九命之典以叙内外官爵改流外品為

九秩

內命三公九命三孤八命六卿七命上大夫六命中大夫五命下大夫四命上士三命中士再

命

下士一命外命諸公九命諸侯八命諸伯七命諸子六命諸男五命公之孤卿四命侯之孤卿公之大

夫

三命子男之孤卿侯伯之大夫公之上士再命公之中士侯伯之上士一命公之下士侯伯之中士下

士

子男之士不命其祿下士一百二十五石中士以上至于上大夫各倍之上大夫是為四千石卿二分

孤

三分公四分各益其一公為一萬石其九秩一百二十石八秩至于七秩每一秩六分而下各去其一

二秩俱為四十石凡頒祿視年之上下上年頒金  
中年頒半下年頒一無年不頒具見隋書百官志

魏宇文泰廢其主欽而立齊王廓

文帝第四子

復姓拓

跋氏

先是魏尚書元烈謀殺宇文泰事覺泰殺之魏主有

怨言密謀誅泰泰諸子皆幼以諸壻為心膂清河公

李基

字仲和遠之子

義城公李暉

弼之子

常山公于翼

字文若謹之子

分掌禁兵至是魏主謀泄泰廢魏主置之雍州立其

弟齊王廓去年號稱元年復姓拓跋氏魏初統國三

高敞尚自知遜君之醜宇文泰乃再行篡弑而改號後姓恬不為怪史家徒以其建官命秩制為周禮稱為崇儒好古識是矣

十六大姓九十九後多滅絕泰乃以諸將功高者為三十六國次者為九十九姓所將士卒亦改從其姓魏遣使如梁

魏侍中宇文仁恕聘于梁會齊使者亦至梁主接仁恕不及齊使仁恕歸以告宇文泰梁主又請據舊圖定疆境辭頗不遜泰由是有圖江陵之志梁主嘗聞之益重其貢獻魏荊州刺史長孫儉萬五世孫屢陳攻取之策泰徵儉入朝問以經畧復命還鎮密為之備馬

伯符

本梁將降于魏

密使告梁主梁主弗之信

齊主殺其尚書左丞盧斐

字子章同之子

李庶

諱之子

齊中書令魏收

字伯起子建之子

撰魏書頗用愛憎為褒貶

每謂人曰何物小子敢與魏收作色舉之則使升天

按之則使入地既成中書舍人盧潛左丞盧斐李庶

皆言其誣罔不直收啟齊主云臣既結怨彊宗將為

刺客所殺齊主怒于是斐庶皆坐謗史鞭二百配甲

坊潛亦坐繫獄斐庶死獄中然時人終不服謂之穢

齊主殺其尚書左丞盧斐李庶皆言其誣罔不直收啟齊主云臣既結怨彊宗將為刺客所殺齊主怒于是斐庶皆坐謗史鞭二百配甲坊潛亦坐繫獄斐庶死獄中然時人終不服謂之穢



史

夏四月魏宇文泰弑其故主欽

五月梁以王琳為廣州刺史

廣州刺史蕭勃自以非梁主所授內不自安啟求入

朝梁主徙勃為晉州

梁于同安郡置豫州後改曰晉州同安故城在今安慶府桐城

縣刺史以琳部衆彊盛又得衆心故使代勃以遠之

琳私謂主書廣漢李膺曰琳小人也蒙官拔擢至此今天下未定遷琳嶺南如有不虞安得琳力竊揆官意不過疑琳琳分望有限豈與官爭為帝乎何不以琳為雍州刺史鎮武寧琳自放兵作田為國梁捍膺

然其言而弗敢啟

六月齊冀州刺史段韶伐梁拔宿預

先是梁侵齊陳霸先圍廣陵嚴超達圍涇州

梁置今泗州天

長縣

侯瑱張彪俱出石梁

晉成後周置縣隋省故城在今天長縣

杜僧

明將兵助東方白額至是齊冀州刺史段韶討白額

留兵圍之而自引兵倍道趣涇州擊破超達迴趣廣

陵霸先解圍走僧明瑱彪等皆還韶至宿預使人說

白額白額出迎執而斬之

秋九月梁主講老子于龍光殿

冬十月魏遣柱國于謹帥師伐梁十一月入江陵十二

月執梁主繹殺之

魏遣柱國于謹中山公宇文護

字薩保泰兄子

大將軍楊忠

將兵五萬伐梁

長孫儉問謹曰為繹計將何如謹曰耀兵漢沔還據丹陽上策也退保子

城以待援軍中策也難于移動據守羅郭下策也儉曰繹出何策謹曰下策儉曰何故謹曰繹懦而無謀

多疑少斷愚民難于慮始皆患邑居所以知其用下策也武寧太守宗均告魏兵

且至領軍胡僧祐黃羅漢曰二國無隙必應不爾乃

魏帥應魏境  
如入無人之境

守臣告警胡黃  
軍尚付之漠然  
且述止法知赴  
援之衆不知蕭  
輝君臣何所恃  
以無恐而王琛  
石兒報罵方以  
爲無恐所謂自  
作孽不可追耳

復遣侍中王琛使魏

去年琛先使魏

于謹至樊鄧梁王譽帥

衆會之梁主乃停講戒嚴琛至石梵

杜佑曰在河州河口上河州今

安陸府河陽州是

馳報羅漢曰境上帖然前言皆兒戲耳梁

主乃復講百官戎服以聽徵王僧辯為大都督命陳

霸先徙鎮揚州僧辯遣侯瑱帥程靈洗

字元修新安海寧人

為

前軍杜僧明帥吳明徹

字通昭秦郡人

為後軍

陸法和開魏師至將赴江

陵梁主使逆止之曰此自能破賊法和還

州壁其城門著袞經坐葦席終日乃脫之

十一月魏軍濟漢于謹令宇文護楊忠帥精騎先據江津斷東

臨敵曉講巡城  
和詩甚至坐困  
舍城猶以焚書  
折劍自嘆文武  
道盡其族抑可  
恚矣

路梁主出城行柵插木為之周六十里以將軍胡僧  
祐僕射王褒分督城東西軍事魏軍至柵下梁主乃  
徵王琳為湘州刺史使引兵入援于謹令築長圍中  
外遂絕梁主巡城猶口占為詩羣臣皆有和者

梁主又裂

帛為書趣王僧辯曰吾忍死待公可以至矣胡僧祐  
等出戰皆敗朱買臣按劍進曰惟斬宗慄黃羅漢可  
以謝天下梁主曰曩實吾意宗黃何罪王琳軍至長  
沙長史葉政請問道先報江陵至百里洲為魏人所  
獲梁王譽謂政曰我武皇帝之孫也不可為爾君乎  
若從我計貴及子孫不然腰領分矣政詭曰惟命  
鎖之至城下使言曰僧辯已自為帝王琳不復能來  
政乃言曰援兵大至各思自勉譽怒命殺之殺軍蔡

大業諫曰此民望也殺之則荊州不可下矣魏人百  
乃釋之 裴政遂之孫蔡大業大寶之弟

道攻城胡僧祐親當矢石晝夜督戰獎勵將士朋行

賞罰衆咸致死所向摧殄魏不得前俄而僧祐中流

矢死内外大駭魏悉衆攻柵反者開西門納魏師梁

主退保金城

子城也

諸將皆散梁主乃焚古今圖書十

四萬卷以寶劍擊柱折之歎曰文武之道今夜盡矣

命御史中丞王孝祀作降文

謝答仁諫曰城中兵衆猶彊乘間突圍而出賊

必驚因而薄之可渡江就任約梁主素不便走馬曰  
事必無成祇增辱耳答仁求自扶梁主王褒曰答仁

侯景之黨豈可信答仁又請守子城收兵梁主以之  
棄以為不可答仁歟血而死于謀微太子為質梁主  
使王褒送之謹子以襄善書給之紙  
筆褒乃書曰柱國常山公家奴王褒梁主遂白馬素

衣出門答使鐵騎擁之入營囚于烏幔之下十二月  
魏人殺梁主及太子元良等于謹收府庫珍寶及宋  
渾天儀梁銅晷表及諸法物盡俘王公以下及選百

姓男女數萬口為奴婢分賞三軍小弱者皆殺之

梁主

性殘忍魏師圍城獄中死因且數千人有司請釋之  
以充戰士梁主不許悉令梟殺之事未成而城陷性  
好書晝夜不釋嘗曰我韜于文士愧于武夫及城陷  
焚書或問何意梁主曰讀書萬卷猶有今日故焚之

被害後營以布帋纏尸瘞于津陽門外

魏取襄陽徙梁主營使稱帝于江陵屯兵守之

魏立營為皇帝取雍州之地而資以荊州延袤三百

里又置防主將兵居西域名曰助防實以制營也

魏初

德教兼似可聽  
然松之理勢斷  
不能行蓋子謹  
楊忠皆親宿將  
豈肯無備受恩  
就轉以襄陽一  
隅之人又豈能  
盡職魏軍便營

師未還營將尹德鼓說營曰江東之人塗炭至此咸謂殿下為之人盡雖也誰與為國今魏之精銳盡萃于此若殿下為設享會預伏武士因而斃之分命諸將掩其營壘大殲羣醜俾無遺類取江陵百姓撫而安之文武羣僚隨材銓授魏人懾息未敢送死王僧辯之徒折簡可致然後朝服濟江入踐皇極畧刻之問大功可立古人云天與不取反受其咎願殿下恢弘遠畧勿懷匹夫之行營曰卿此策非不善也然魏



果用其言亦不  
過自速禍敗耳

人待我厚若遽為此人不食吾餘至是闔城繫虜  
又失襄陽乃恨不用德毅之言尹德毅天水人正  
子之

梁王僧辯陳霸先奉晉安王方智

元帝少子

承制

梁敬帝方智紹泰元年魏恭帝二年齊天保六年後梁中宗宣帝蕭詧天定元年凡四國

春正月

梁王詧始稱帝

梁王詧即位改元于江陵賞刑制度並同王者唯上

疏于魏則稱臣奉其正朔以蔡大寶為侍中尚書令

王操

字子高太原晉陽人

為五兵尚書大寶嚴整有智謀雅達

政事文辭膽速操亦亞之

梁廣州刺史王琳救江陵弗及次于長沙遣兵伐後梁

琳將兵北下至蒸城

後漢臨蒸縣故城也隋省入衡陽衡陽今湖南衡州府治聞

江陵已陷為世祖發哀三軍縞素遣別將侯平帥舟師攻後梁琳屯兵長沙傳檄州郡為進取之計長沙

王韶

字德茂懿之子

及上游諸將皆推琳為盟主

齊遣梁貞陽侯淵明還梁稱帝以兵納之

二月梁王方智立

是為敬帝

晉安王方智自尋陽入建康即梁王位

時年十三

以王僧

辯為中書鑑錄尚書事驃騎大將軍都督中外軍事

加陳霸先征西大將軍

僧辯居石頭霸先在京口僧辯推心待之予頗屢諫不聽

夏五月梁王僧辯奉淵明歸建康以梁王方智為太子

先是齊主遣殿中尚書邢子才詣建康與僧辯書令

迎淵明

書曰嗣主冲藐未堪負荷彼貞陽侯梁武猶子長沙之嗣以年以望堪保金陵故置為梁

王迎接

僧辯不從已而淵明至東闕

注見前

散騎常侍

裴之橫

字如岳之高弟

禦之敗死僧辯大懼乃出屯姑孰遣

使奏啟于淵明定君臣之禮因求以梁王為太子淵  
明許之自采石濟江齊師還淵明入建康望朱雀門  
而哭道逆者以哭對入即位以方智為太子王僧辯  
為大司馬陳霸先為侍中

六月齊人歸郢州于梁

魏師之圍江陵也齊主遣清河王岳救之至義陽江  
陵已陷岳因進軍臨江梁郢州刺史陸法和以州降

長史王玢  
不從殺之

齊主遣儀同三司慕容儼

字恃德清  
都成安人

戍之

儼始入州王僧辯遣侯瑱攻之奄至城下儼隨方備禦瑱等攻之不克城中食盡煮草木根葉及靴皮帶角食之堅守半歲人無異志至是淵明立命瑱還豫章齊人以地遠難守割以予梁凡梁民亦還之

秋八月齊以道士為沙門

齊主以佛道二教不同欲去其一集二家學者論難于前遂敕道士皆剃髮為沙門有不從者殺四人乃奉命

九月梁陳霸先殺王僧辯廢淵明冬十月復立方智稱

藩于齊

王僧辯之納淵明也陳霸先遣使爭之不從霸先歎

曰武帝子孫甚多唯孝元

是年四月追諡廟號世祖

能復讐雪恥

其子何罪而忽廢之吾與王公並處託孤之地而王

公一旦改圖外依戎狄援立非次其志欲何為乎乃

密謀襲建康會有告齊師至者僧辯遣人告霸先使

為備霸先部分將士使徐度侯安都等水陸俱進人

僧辯自當統  
帥在霸先麾下  
律若已久襲殺  
之舉非以為梁  
將欲去害已者  
而已

皆以為將禦齊師不之怪也至石頭安都先帥衆踰  
北城而入霸先軍入自南門僧辯方視事外白有兵  
俄而兵自內出僧辯與子顧帥左右苦戰敗走就執  
霸先曰我有何辜公欲與齊賜討而乃無備如此僧  
辯曰委公北門何謂無備霸先殺之既而竟無齊兵  
淵明遜位就邸十月方智即皇帝位告齊以僧辯陰  
圖篡逆仍請稱藩于齊封淵明為建安公  
梁陳霸先自為尚書令都督中外諸軍事

梁吳興太守杜龕叛梁遣陳倩

霸先兄道諱子即陳文帝

討之

杜龕素恃王僧辯之勢不禮于陳霸先

龕僧辯之壻

霸先

深怨之及僧辯死龕據吳興以拒霸先義興太守亦

載

字德基叔之孫

以郡應之僧辯弟僧智為吳郡太守亦據

城拒守先是霸先將圖僧辯密遣兄子禧還長城

晉縣

五代吳越改長興今屬湖州府

立柵以備龕及是禧至長城收兵纔

數百人龕遣其將杜泰攻之數旬不克而退霸先使

周文育攻義興不利自表東討至義興拔其水柵以



書論韋載載降霸先還建康使周文育討杜龕裴忌

字無畏  
聞喜人

攻吳郡忌輕行夜至城下鼓譟薄之僧智奔

吳興忌入據郡明年猜克吳興獲龕殺之

龕勇而無  
謀嗜酒常

醉其將杜泰陰與猜等通說龕使降龕然之其妻王氏曰嘗隙如此豈復可和因出私財賞募復擊猜等破之既而泰出降龕尚醉未覺遂見殺

王氏載髮出家僧智及弟僧惜奔齊

梁譙

今滁  
州

秦

今六  
合縣

刺史徐嗣徽南豫州刺史任約襲建

康不克入于石頭以叛齊遣兵援之敗還嗣徽約奔齊

徐嗣徽從弟嗣先王僧辯之甥也僧辯死亡就嗣徽

嗣徽以州入于齊會陳霸先東討義興嗣徽密結任約將兵乘虛襲建康據石頭游騎至闕下時侯安都

杜稜

字雄威錢塘人

居守安都閉門示弱下令城中登陴窺

賊者斬及夕嗣徽等還安都夜為戰備將旦嗣徽等

又至安都出戰大破之嗣徽等奔還石頭霸先卷甲

還自義興引韋載與共謀議十一月齊遣兵渡江據

姑孰以應嗣徽又遣兵渡糧馬入石頭城霸先用韋

載計

霸先問計于載載曰齊若分兵先據三吳之路各地東境則時事去矣今可急于淮南築城以

通東道轉輸分兵絕彼糧路使進無所資則齊將之首旬日可致霸先從之淮南秦淮之地也秦淮源

出溧水縣西北流貫江寧府城又西北入大江秦時所繫故名使侯安都夜燒齊船

千餘艘周鐵虎斷齊運輪仍遣載于大航築壘使杜

稜守之齊人亦立柵與相拒使都督蕭軌北齊書蕭軌事行史

關其將兵屯江北十二月霸先帥諸軍攻嗣徽柵齊

將柳達摩等渡淮置陳霸先疾戰燒柵齊兵大敗溺

死者以千數嗣徽與任約引齊兵頓浦口此秦淮之口非江北

浦口霸先遣侯安都襲破之嗣徽等單舸脫走霸先

攻石頭城中無水達摩請和且求質子時建康虛弱

糧運不繼乃與齊和以霸先從子曇朗及永嘉王莊

方等之子等為質而與齊盟嗣徽約皆奔齊

齊失亡馬仗船米不可勝

計齊王乃誅柳達摩

齊主殺其清河王岳

初齊平秦王高歸彥

字仁英高祖族弟

幼孤高祖令清河王

岳養之情禮甚薄歸彥心銜之岳屢將兵立功有威

名而性豪侈好酒色起第城南歸彥譖之言其僭擬

齊主惡之齊主納倡婦薛氏有寵既而知其嘗與岳

通益怒使歸彥鵠岳殺之

久之齊主無故斬薛氏藏首于懷出東山宴飲勸酬

始合忽出其首投于梓上一座大驚復命收取對之流涕載尸以出被髮步哭而隨之

魏降其宗室王者為公

突厥滅柔然可汗鄧叔于奔魏突厥取而殺之

突厥木杆可汗擊柔然滅之柔然主鄧叔子收其餘

燼奔魏時木杆西破噉噠

注見前

東走契丹北并契骨

胡三省注即唐之結骨唐書點戛斯古堅昆國或曰結骨

威服塞外其地東自遼

海西至西海

即青海

長萬里南自漠北五六十里皆屬

焉木杆恃其疆請盡誅鄧叔子等于魏宇文泰收叔

子以下三千餘人付其使者盡殺之于青門外

長安東南

霸城門民見門色青因曰青門即漢召平種瓜處

丙梁太平元年魏恭帝三年齊天保七年綱目以後  
子梁為北朝附庸歲首不書年號唯嗣位改元乃書今

依之春正月魏初建六官以宇文泰為大冢宰

初宇文泰以漢魏官繁令蘇綽及尚書令盧辯

字景先同

兄依周禮定六官至是行之以泰為太師大冢宰李

弼為太傅大司徒趙貴為太保太宗伯獨孤信為太  
司馬于謹為大司寇侯莫陳崇為大司空自餘百官  
皆倣周禮

梁遣兵擊侯瑱于湓城

江州刺史侯瑱本事王僧辯擁兵據豫章及江州不  
附陳霸先霸先使周文育將兵擊湓城又遣侯安都

周鐵虎立柵于梁山以備之

已而瑱為王琳將侯平  
所敗霸先使記室蔡景

歷說瑱令

降瑱乃詣闕歸罪霸先以為  
司空 蔡景歷字茂世濟陽考城人

三月齊儀同三司蕭軌侵梁次于蕪湖

齊遣蕭軌等與任約徐嗣徽合兵十萬侵梁出柵口

柵江之口  
注見前

向梁山

即天門山  
注亦見前

陳霸先帳內盪主

主勇  
士以

突盪敵  
人者

黃叢逆擊破之齊師退保蕪湖

夏五月梁建安公淵明卒六月陳霸先及齊師戰敗之  
殺蕭軌及徐嗣徽

齊人召建安公淵明詐許退師陳霸先具舟送之會  
其病卒齊兵遂至秣陵陳霸先令周文育與徐度杜



稜標之齊人跨淮立橋柵度兵自方山

注見前

進及兜

塘

在上元縣東南

建康震駭霸先拒嗣徽等于白城

即白下城注見

前適與文育會將戰風急霸先曰兵不逆風文育曰

事急矣何用古法抽槊上馬先進衆軍從之風亦尋

轉安都帥十二騎突嗣徽陳破之六月齊兵至幕府

山

在江寧府西北輿地紀勝晉元帝渡江王導建幕府其上因名

霸先遣別將擊其

糧運盡獲之齊兵殺馬驢以食轉至元武湖

注見前

西

北連日大雨平地水大餘晝夜坐立泥中懸隔以繫

而臺中及潮溝

在上元縣西吳時鑿引潮以抵秦淮故名

北路燥梁軍每

得番易然四方糧運不至士卒皆饑疲會陳禧饋米

三十斛鴨千頭霸先命炊米煮鴨裹以荷葉未明蓐

食出幕府山與吳明徹等首尾齊舉縱兵大戰侯安

都自白下引兵橫出其後齊師大潰死者不可勝計

擒徐嗣徽斬以徇追奔至于臨沂

晉僑置屬南琅邪郡故城在今句容

北諸軍相次克捷虜蕭軌等斬之齊軍士縛荻筏以

濟溺死甚衆唯任約王僧愔得免

梁軍士以賞俘留酒一人裁得一醉

齊人聞蕭軌等被殺亦殺陳曇朗

梁王琳遣使奉表于魏于齊

侯平頻破後梁軍以王琳兵威不振不受指麾琳遣將討之平收其衆奔江州侯瑱與結為兄弟琳軍勢益衰遣使奉表于齊江陵之陷琳妻子没于魏琳又獻款于魏以求之亦稱臣于梁

齊大治宮室

齊發丁匠三十餘萬修廣三臺宮殿

齊主之初立也留心政術內外

詳之狂詩所不  
必言至楊惜不  
能匡正而轉以  
死因供御為周  
疏之計史臣亦  
從而美之至昏  
于上政清于下  
是彼何言

肅然軍國機策獨決懷抱每臨行陣親當矢石所向  
有功數年之後漸以功業自矜遂嗜酒淫佚肆行狂  
暴袒露形體街坐巷宿高氏婦女不問親疎往往亂  
之或以賜左右不從者手刃之作大搜長鋸對雄之  
屬陳之于庭每醉輒手殺人以為戲樂楊惜乃簡死  
囚置仗內謂之供御因齊主欲死人輒執以應命三  
月不殺則宥之開府參軍裴謂之上書極諫齊主謂  
楊惜曰此愚人何敢如是對曰彼欲陛下殺之以成  
名于後世齊主曰我且不殺爾焉得名一日泣謂羣  
臣曰黑獺不受我命奈何都督劉桃枝曰臣得三千  
騎請擒之以來齊主壯之賜帛千匹趙道德進曰桃  
枝妄言應誅陛下奈何濫賞齊主即回絹賜之典御  
丞李集面諫比之傑紂齊王令縛置派中久之引出  
謂曰吾何如傑紂集曰彌不及矣又令沉之引出更  
問如此數四集對如初齊主大笑曰天下有如此癡  
人方知龍逢比干未是俊物遂釋之頃之入見似有

所陳竟斬之由此內外情各懷怨毒而能委政陽  
暗總攝機衡百度修政是以主昏于上政清于下

秋七月梁陳霸先自為司徒揚州刺史進爵長城公

九月梁陳霸先自為丞相錄尚書事

魏及突厥襲吐谷渾敗之

突厥木杆可汗假道于涼州以襲吐谷渾魏宇文泰

使涼州刺史史寧

字永和建康袁氏人

帥騎隨之吐谷渾奔南

山木杆將追之寧曰樹敦

吐谷渾所敗故城在今賀西寧府遠外曼頭山北

真

與樹敦相近

二城吐谷渾之巢穴也拔其本根餘衆自

敗木杆從之與寧分道破二城復與會于青海

注見前

歡寧勇決贈遺甚厚

明年吐谷渾寇涼州刺史于翼赴援

翼曰攻取非夷俗所長氣來不過抄掠耳  
掠無所獲勢將自走數日間至果如其言

冬十月魏太師大冢宰安定公宇文泰卒

書法與馬歡  
同列說見前

世子覺

泰第三子後代嗣  
魏為周愍帝

秦北巡度河還至牽屯山

即雞頭山  
注見前

而病馬召中山

公護至涇州謂曰吾諸子皆幼外寇方彊天下之事

屬之于汝宜努力以成吾志遂卒

秦能駕馭英雄素  
其力用性奸賊素

太子國事政紀  
主帥若贊就章  
九年其年正司  
因之反正手謹  
身乃大臣不問  
一語道維穩主  
顧朝馬為護  
定策決謀不踰  
年而宇文氏遂  
得財其冀逆養  
同戰而釀禍胎  
罪之罪莫甚焉

不尚虛飾明達政事崇儒好古凡所施  
設皆倣三代而為之及卒謚曰文公  
世子覺嗣位

十五年為太師柱國大冢宰安定公出鎮同州護名位素卑及

是輔政羣公莫敢譴問計于大司龍于謹曰今日之  
事謹必以死爭之若對衆定策公必不得謹矣明日

會議謹曰昔帝室傾危非安定公無復今日一旦違  
世嗣子雖幼中山公親其兄子庶受顧託軍國之事

理須歸之辭色抗厲衆皆悚動謹素與泰等夷護常  
拜之至是謹起再拜羣公亦拜于是衆議始定同

川西魏置今為府屬陝西胡三省曰宇文泰  
開政常居此以其地扼關河齊人後軼所必由也

### 齊併省州縣

齊主詔以魏末豪傑糾合鄉部因緣請託各立州郡

公私煩費丁口減于疇日守令倍于昔時于是併省  
三州一百五十三郡五百八十九縣三鎮三十六戍  
十二月魏宇文覺自為周公

### 齊築長城

先是齊自黃櫨嶺

在今汾州府永寧州西北

起長城北至社平戍

在今朔平府左雲縣廢武州境

四百餘里置三十六戍

事在天保三年

已而

發民一百八十萬自幽州夏口

胡三省注夏當作下即居庸下口也居庸

注見前

西州恒州

注見前

築長城九百餘里

在天保六年

至是



復自西河總秦戍

在今大同府西北與陝西延安府界

築長城東至于

海前後所築東西凡三十餘里率十里一戍其要害

置州鎮凡二十五所

明年又于長城內築重城四百餘里

丁梁太平二年魏恭帝四年齊天保八年陳高祖武帝  
世宗明帝元年周孝愍帝宇文覺元年九月以後  
代并齊三大國後梁一小國凡四國春正月周宇文

覺稱天王

是為愍帝

廢魏主為宋公宇文護自為大司馬

自魏

太祖道武帝建元至孝武帝入關凡十三主一百五十年而分為東西魏自孝武後至恭帝亡又三主合  
二十二主在位十七年先亡

魏宇文護以周公覺幼弱欲早使正位以定人心以

魏主詔奉冊璽禪位于周遷魏主出居大司馬府覺

即天王位

追尊文公為文王妣為文后封魏帝為宋公以宋德承魏水行夏之時服色尚黑以

李弼為太師趙貴為太傅大冢宰獨孤信為太保大宗伯中山公護為大司馬

周主

宇文自稱天王綱目以春秋為天王乃天子之稱不得以此予之僅書王則又非實故仍書周主汪

克寬以主常作王非是

祀圜丘定郊廟之制

周主祀圜丘自謂先世出于神農

宇文氏自謂炎帝為黃帝所滅子孫

避居朔野其後有葛烏免者鮮卑奉以為主至齊回逆以宇文為氏以神農配二丘始

祖獻侯莫那

普回子自陰山始徙遼西

配南北郊文王配明堂廟

號太祖仍用鄭康成義立太祖與二昭二穆為五廟

禮記王制天子七廟鄭康成注此周制七者太祖及文王武王之祧與親廟四殷則六廟契及湯與二昭

二穆夏則五廟無太祖禹與二昭二穆而已

其有德者別為祧廟不毀

二月梁蕭勃起兵廣州次于南康

今贛州府注見前

陳霸先遣

將軍周文育擊之獲其將歐陽頔傳泰勃為其下所殺

勃起兵于廣州遣歐陽頔及其將傅泰蕭孜

勃從子為

將軍南江州刺史余孝頃

余氏由余之後以名為氏

以兵會之

孝頃

先據新吳因就置南江州以爲刺史  
新吳漢縣南唐改奉新今屬南昌府

陳霸先遣周

文育帥諸軍進討顧出南康屯苦竹灘

亦曰苦竹州  
在南昌府豐

城縣

秦據蹠口城

在東昌府南  
昌縣西南

孝頃在豫章據石頭

此非建康之石頭乃豫章之渚口在南昌府新建縣  
西北水經注贛水兩岸有磬石謂之石頭津步處也

文育于豫章立柵分遣老弱乘故船沿流俱下燒豫

章柵僞若遁去者孝頃望之大喜設備文育由間道

魚行據顧及攷秦孝頃之間築城饗士顧等大駭文

育遣周鐵虎等襲顧擒之文育盛陳兵甲與顧乘船

而宴巡蹠城下使其徒丁法洪攻秦擒之攷孝頃退

走勅軍聞之恐懼遂殺勅

文育送顧泰于建康霸先與顧有舊釋之以為衡州

刺史使討嶺南遂克廣州攷孝頃猶據石頭霸先遣侯安都助文育攻之攷出降孝頃逃歸已而從王琳

屯臨州故城明年兵敗擒送建康臨川吳郡齊廢故曰故城隋于此置撫州今為府屬江西

周宇文護殺冢宰趙貴大宗伯獨孤信

周楚公趙貴衛公獨孤信故皆與太祖等夷及晉公

護專政皆怏怏不服貴謀殺護信止之護聞之遂殺

貴免信官自為大冢宰未幾復殺信

宇文護謂已  
成難以輕制貴  
然亦不過決意  
之情然使其事  
果成則有大忌  
以杜奸萌唐詔

非第一之章巧  
備于獨孤信之  
以此在信世有  
河漢遠矣或為  
萬一往來計耳  
亦何足道哉

周宇文護弒宋公

夏六月梁陳霸先遣兵擊王琳于郢城

先是陳霸先徵王琳為司空琳不就徵大治舟艦將  
攻霸先霸先遣侯安都周文育將舟師會武昌以擊  
之

齊大蝗

河南北大蝗齊主以問魏郡丞崔叔瓚

季舒之兄

對曰五

行志土功不時蝗虫為災今外築長城內興三臺殆

以此乎齊主大怒使左右毆之擢其髮以溷沃之曳  
足以出

秋八月周人歸故梁主繹之喪于王琳

琳請之也

後四年琳敗奔齊陳人始葬之

九月梁陳霸先自為相國封陳公加九錫

周宇文護弑其君覺及其柱國李遠而立寧都公毓小名

統萬突太祖長子足為明帝

周主覺性剛果見宇文護執政深惡之司會

周官大冢宰屬

後周為中大夫

李植

遠之子

軍司馬

周官大司馬屬後周為中大夫

孫恒以先

朝佐命入左右亦疾護之專乃與宮伯

周官掌王宮後周亦為中

大乙弗

代北複姓

鳳賀拔提潛謀請周主誅護周主然之

植等又引宮伯張光洛同謀光洛以告護護乃出植

恒于外鳳等益懼更請周主召羣公入讌因執護誅

之光洛又以告護時領軍尉遲剛

字安羅迴之弟

總統禁兵

護召之共謀廢立因遣入宮執鳳等罷散宿衛兵周

主方悟獨在內殿令宮人執兵自守護遣柱國賀蘭



祥

其先為賀蘭莫何弗因以  
為氏祥字威樂武川人

逼周主遜位幽于舊第

召公卿議廢周主為畧陽公迎立岐州刺史寧都公

毓鳳恒等皆被殺時李植父柱國遠鎮弘農護召遠

及植還朝既至植自陳初無此謀護令畧陽公與相

質植辭窮乃曰本為此謀欲安社稷利至尊耳今日

至此何事云云于是護乃害植并逼遠令自殺尋弒

畧陽公黜其后元氏為尼寧都公至自岐州即天王

位

後護誅追諡略陽  
公為孝愍皇帝

冬十月梁陳霸先自進爵為王遂稱皇帝

是為武帝

廢梁主

為江陰王

梁自武帝代齊至敬帝亡凡四主合五十五年

梁主禪位于陳陳王使中書舍人劉師知

沛國人

引將

軍沈恪

字子恭武康人

勒兵入宮衛送梁主如別宮恪排闥

見王叩頭謝曰恪經事蕭氏今日不忍見此分受死

耳決不奉命王嘉其意更以王僧志代之王遂即位

于南郊奉梁主為江陰王

陳以蔡景歷為中書通事舍人

是時政事皆由中書省置二十一局各當尚書諸司  
總國機要尚書唯聽受而已

陳主祠蔣帝廟

注見前

梁王琳及陳人戰敗之獲其將周文育侯安都遂克江  
州

侯安都至武昌王琳將樊猛棄城走周文育自豫章  
會之安都聞陳主受禪歎曰今茲必敗戰無名矣時  
兩將俱行不相統攝部下交爭稍不相平軍至郢州

圍之未克而王琳至安都乃悉衆詣沌口

在漢陽府漢陽縣西

南水經注沌水還沌陽縣南注于江謂之沌口沌枉充反

合戰大敗安都文育及

裨將周鐵虎程靈洗皆被擒鐵虎辭氣不屈琳殺之

囚安都等總以長鎖繫之移湘州軍府就郢城遣樊

猛襲據江州

陳以蕭乾

字思暢齊豫章王蒨之孫

為建安

吳郡今福建寧府是

太守

時熊曇朗在南昌

曇朗南昌人世為郎著姓景之亂聚衆據豐城為拊梁元帝以為

巴山太守江陵陷曇朗兵力浸彊紹泰末領豫章太守豐城晉縣今屬南昌府巴山梁郡隋廢故城在

今撫州府周迪在臨川迪臨川南城人侯景之亂迪宗人續起兵臨川守其部

將所殺迪勇施軍中遂推留異在東陽侯景之陷會稽以異為東

陽太守及景平王僧辯使吳越勞東陽異糾合鄉閭保據嚴阻其徒曰咸江陵陷僧辯以異仍守東陽紹

泰末封永陳寶應在晉安寶應晉安侯官人父羽為興縣侯郡雄豪侯景之亂梁晉安

太守蕭雲以郡讓羽羽令寶應典兵士眾強威侯景平元帝以羽為晉安太守紹泰元年羽求傳郡于寶

應許之晉安晉郡往往立砦以自保陳主患之使今福建福州府是

侍郎蕭乾諭以禍福豪帥皆降即以乾為建安太守

已而曇朗據新淦以應王琳迪攻之曇朗敗走為村民所殺迪後進號南安將軍陳徵之令出鎮臨城不

至陰與留異相結寶應亦潛與異合于是陳遣兵討  
迪異迪與潰異戰敗俱奔晉安陳遂進軍討寶應破  
之擒寶應并異送建康伏誅迪竄山谷間久之潛出  
臨川太守駱牙誘而斬之傳首京師初會稽虞寄遁  
寓閩中依寶應常從容論以順逆寶應輒引他語亂  
之及也異奔晉安寄復以書切諫寶應不從後寶應  
敗謂其子曰早從虞公言不至今日新淦縣隋開皇中徙  
城在今江西臨江府清江縣今新淦縣隋開皇中徙  
置駱牙字旗門臨安人虞  
寄字次安會稽餘姚人虞

周以令狐整

字延保敦煌人

為豐州

梁置興州後周為豐州隋改為均州今州屬襄陽府

刺史

初梁興州刺史席固

字子堅安定人居襄陽

以州降魏魏以為

豐州刺史久之固不遵北方制度周人密欲代之乃

以司憲中大夫

後周置貳陝官以左右刑罰

令狐整權鎮豐州整

傾身撫接人情遂洽于是除整刺史徙固湖州

西魏置故

城在今南陽府唐縣

整遷州于武當

漢縣明省故城在今均州

旬日之間府

城周備遷者如歸固曲部多願留為整左右整諭以朝制弗許莫不流涕而去

十二月齊主幽其弟永安王浚

字定樂高祖第三子

上黨王渙

字敬

壽高祖第七子于地牢

初齊有術士言亡高者黑衣齊主因問左右何物最黑對曰無過于漆齊主以上黨王渙于兄弟第七執之渙殺使者而逃為人所獲送鄴齊主又與永安王

浚有舊怨

齊主少雌懦與浚皆見世宗有時決出浚責左右曰何不為二兄拭鼻因深街之

及即位浚為青州刺史聰明矜恕吏民悅之浚以齊主嗜酒敗德欲乘驛至鄴面諫或密以白齊主齊主益銜之已浚入朝從幸東山齊主裸程為樂浚進諫曰此非人主所宜又于屏處召楊愔譏其不諫時齊



主不欲大臣與諸王交通惜懼奏之齊主大怒浚尋

還州又上書切諫詔徵浚浚懼禍謝疾不至齊主遣

馳驛收之老幼泣送者數千人至鄴與上黨王渙皆

盛以鐵籠置于地牢飲食澁穢共在一所

後齊主如北城因視

浚渙于地牢臨穴謳歌今浚渙和之浚渙悲怖聲顫

齊主愴然泣下將赦之長廣王湛素與浚不睦進曰

猛虎安可出穴齊主默然使左右刺之浚渙號哭呼

天乃燒殺之遠近痛憤長廣王湛高祖第九子後

欽定四庫全書

御批歷代通鑑輯覽

三

戊陳永定二年周明帝

春正月梁王琳伐陳次于白水

寅二年齊天保九年

乞師于齊

王琳引兵十萬下至湓城屯于白水浦

今日白水浦在九江府德

化縣以魯恭達為將軍陳主亦以恭達為將軍各送

鼓吹女樂恭達兩受之而無所就琳不敢下乃遣使

求援于齊且請納永嘉王莊

前質于齊以主梁祀琳在白

有侯安都略守者逃歸陳主遣尚書謝哲往諭琳

請還湘州陳軍亦還已而魯恭達部將引商兵入北

周宇文護自為太師

二月齊北豫州刺史司馬消難

字道融子如之

叛入于周

消難以齊主昏虐滋甚陰為自全之計曲意撫循所

部上黨王渙之亡也鄴中大擾疑其赴成臯御史中

丞畢義雲遣御史詣北豫州先禁消難典籤家客等

消難懼密請降于周周遣柱國達奚武大將軍楊忠

帥騎士迎之

武等從間道馳入齊境三遣使消難皆不報武疑有變欲還忠曰有進死無退

生獨以千騎夜起城下城四面峭絕但開擊所解武親至虎數百騎西去忠勒餘騎不動俟門開而入馳

遣召武武以消難及其屬先歸忠以三千騎為殿至洛南皆解鞍而卧齊眾東追至洛北忠謂將士曰今

在死地賊必不敢渡水已而果然乃徐引還  
武歎曰奚達武自謂天下健兒今日服矣

齊納梁永嘉王莊于梁軍以王琳為梁丞相琳遂以莊

稱帝

改元  
天啟

夏四月陳主霸先弒江陰王

諡曰梁  
敬帝

五月陳主捨身于大莊嚴寺

冬齊以常山王演

高祖第六子  
即孝昭帝

錄尚書事

初常山王演以齊主沈湏憂憤形于顏色齊主覺之

謂曰但令汝在我何為不縱樂演雖啼泣拜伏竟無

四月戊午五月  
修齊後主安  
諸王及諸同太  
之馬可謂如出  
陸

所言齊主亦大悲抵盃于地曰自今敢進酒者斬未

幾沈湎益甚演又密撰事條將諫其友

王友也諫王宮僚有師有

友王晞

字叔朗北海劇人

以為不可演不從因間極言齊主

大怒召演于前以刀鐶擬脇求演之過不得乃釋之

及演錄尚書事除官者皆詣演謝去必辭晞言于演

曰受爵天朝拜恩私第自古以為不可宜一切約絕

演從之久之演從容謂晞曰主上起居不恒吾豈可

以前逢一怒遂爾結古卿宜為撰諫章吾當伺便極

諫師遂條十餘事以呈因謂演曰今朝廷所恃唯殿下乃欲學匹夫耿介輕一朝之命一旦禍至奈家業何演款款不自勝即焚之後復來問苦諫齊主使力

士亂捶之會醉得解

齊主襲璜之遊遍于宗戚唯至常山之弟則不適而去太子殷

自幼溫裕開朗甚有美名齊主以其不似已欲廢之使手刃因太子惻然不斷其首齊主大怒親以馬鞭撻之太子由是氣悸語吃精神昏擾授齊主因酣宴屢云太子性懦社稷事重終當傳位常山太子少傅魏收謂楊愔曰太子國之根本不可動搖此言非所以為戲愔白收言齊主乃止齊主既殘忍有司莫不嚴酷或燒犁耳使因立其上或燒車缸使以臂貫之惟即中蘇瓊所至皆以寬平為治有人告反者事或付

璣多得中雪  
璣字珍之武強人

### 齊減百官祿

齊主北築長城南助蕭莊士馬死者以數十萬計重  
以修築臺殿賜與無節府藏之積不足以供乃減百  
官祿撤軍人常廩併省州郡縣鎮戍之職以節費用  
焉

### 十二月陳高涼太守馮寶卒

時海隅擾亂寶妻沈氏懷集部落數州宴然其子僕

生九年是歲遣帥諸酋長入朝詔以為陽春守

梁置陽春

郡隋改為縣今屬廣東肇慶府

已陳永定三年周武成卯元年齊天保十年

春正月周主始親政

宇文護上表歸政周主始親萬機軍旅之事護猶總

之

是月周改都督為總管

夏四月齊主殺其膠州刺史杜弼閏月復殺其僕射高

德政

齊主之為魏相也弼為長史齊主將受禪弼諫止之



僕射高德政用事弼又不為之下德政數短之齊主  
因飲酒遣使斬弼既而悔之驛追不及德政以齊主  
酣飲數彊諫齊主不悅謂左右曰高德政恒以精神  
陵逼人德政懼稱疾楊愔素忌德政因謂齊主曰若  
用德政為冀州病當自差從之德政即起齊主大怒

殺之

先是在還辛齊主親往哭謂其妻曰頗思還乎  
對曰思之齊主曰然則往省之乃手斬其妻柳

首  
外

五月丙辰朔日食

六月霖雨

周以霖雨詔羣臣極諫左光祿大夫樂遜

字遵賢河東猗氏人

上言時宜其尤切于政要者凡四事

其一以爲比東守今代歸期促

責其成效專務威猛今關東之民淪陷塗炭若不布政優優何以使彼勞民歸就樂土其二以爲頃者魏

都洛陽一時殷盛貴勢競爲侈靡終使禍亂交興比來朝貴器服稍華百工造作務盡奇巧臣誠恐物逐

好移有損政俗其三以爲選曹補擬宜與衆共衆心明白然後呈奏其四以爲高洋據有山東未易猝制

譬猶碁局相持爭行先後若一行不當或成彼利誠應捨小營大先保封域不宜貪利遽連輕爲興動

周主賜處士韋叟

字敬遠孝寬兄

號逍遙公徵魏將軍寇儁

字祖

偶上谷  
昌平人  
入見

夏志尚夷簡魏周之際十徵不屈太祖重之不奪其  
志周主禮敬尤厚號曰逍遙公晉公護延之至第訪  
以政事夏仰視歎曰酣酒嗜音峻宇雕牆有一于此  
未或不亡護不悅驃騎大將軍開府儀同三司寇偶  
少有學行家人嘗賣物多得絹五匹偶知之曰得財  
失行吾所不取訪主還之敦睦宗族與同豐約教訓  
子孫必先禮義自大統中稱老疾不朝謁周主欲見

之僞不得已入見周主引與同席問以舊事以御輿  
送之

陳主霸先殂兄子臨川王蒨立

是為文帝

先是陳主詔臨川王蒨築城于南皖

即皖口鎮皖水入江之口也在

今安慶府懷寧縣西

及是陳主以疾殂

陳主臨戎制勝英謀獨運而為政務崇克簡非

軍旅急務不輕調發性儉素常膳不過數品私宴用瓦器蚌盤殷核充事而已後宮無金翠之飾不設女

樂時子昌

字敬業

姪頊

始興王道譚次子即宣帝

皆江陵之陷沒于

長安內無嫡嗣外有彊敵宿將在外朝無重臣唯中

領軍杜稜典宿衛兵章皇后召稜及中書侍郎蔡景  
歷入禁中定議急召臨川王禧于南皖侯安都軍還  
適至遂與王俱還至建康羣臣奉王嗣位王謙讓不  
敢當后以昌故未肯下令羣臣猶豫不能決安都曰  
今四方未定何暇及遠臨川王有大功于天下今日  
之事後應者斬即按劍上殿曰皇后出璽是日禧即  
位

謚陳主曰武皇帝廟號高祖葬萬安陵

以侯瑱為太尉安都為司空

秋八月周主始稱皇帝

周御正中大夫崔猷

字宣猷  
挺之孫

建議以為聖人沿革因

時制宜今天子稱王不足以威天下請遵秦漢舊制

稱皇帝建年號從之

冬十月齊主洋殂太子殷立

是為  
廢帝

齊主嗜酒成疾自知不能久謂李后曰人生必有死

何足致惜但憐正道尚幼人將奪之耳又謂常山王

演曰奪則任汝慎勿殺也召尚書令楊愔領軍平秦

王歸彥侍中燕子獻

字李則廣  
漢下洛人

侍郎鄭頤

字子默  
彭城人

受

遺詔輔政十月殂于晉陽

諡文宣皇帝廟號高祖後改明祖葬武寧陵

羣

臣無下泣者唯楊惜涕泗鳴咽太子殷即位詔諸雜

作一切停罷

庚陳世祖文帝隋天嘉元年周武成二年齊  
底主殷乾明元年肅宗孝昭帝演皇建元年

春二月梁

丞相琳伐陳敗績與梁主莊皆奔齊

王琳聞陳高祖殂乃以孫瑒

字德璉吳人

為郢州刺史總

留任奉梁主莊出屯濡須口齊行臺慕容儼帥衆臨

江為之聲援琳攻大雷陳遣侯瑱侯安都及徐度將

兵禦之吳明徹夜襲湓城琳遣兵擊敗之因引兵東  
下二月琳至柵口侯瑱出屯蕪湖相持百餘日周人  
聞琳東下遣荊州刺史史寧將兵數萬乘虛襲郢州  
孫瑒嬰城自守琳恐衆潰乃帥舟師去蕪湖十里而  
泊齊軍屯于西岸軍勢盛甚時西南風急琳引兵直  
趣建康瑒等徐躡其後風反為瑒用琳擲火炬皆反  
燒其船瑒發拍拍竿也擊艦以牛皮冒蒙衝小船  
拍敵船觸之琳軍大敗齊軍自相蹂踐陳軍乘之斬獲萬計



琳走奔齊梁主莊左右皆散獨侍中袁泌

字文洋昂之子以

輕舟送莊達于齊境拜辭而還遂奔陳御史中丞劉

仲威

之遺子

奉莊奔齊樊猛及其兄毅

字智烈

帥部曲降

陳

孫瑒固守郢州周人圍之不能克及琳敗周人聞陳師將至乃解圍去瑒集將佐謂曰吾與王公同

獎梁室勤已至矣時事如此豈非天乎遂以州降陳

齊太傅常山王演殺尚書令楊愔等自為丞相都督中

外諸軍事

齊顯祖之喪常山王演居禁中護喪事婁太后欲立

之而不果齊主殷立演乃居東館事皆咨決楊愔等  
以演與長廣王湛位地親逼恐不利于嗣主忌之居  
頃之演出歸第自是詔敕多不關預齊主將發晉陽  
時議謂演必留守本根楊愔疑之使與長廣王湛俱  
從還鄴外朝駭愕先是領軍將軍可朱渾天和元之子

每曰若不誅二王少主無自安之理及是燕子獻謀  
處婁太后于北宮使歸政李太后楊愔又以爵賞多  
濫悉加澄汰由是失職之徒歸心二王平秦王歸彥

初與楊燕同心既而中變

歸彥總知禁衛情留從駕兵五千于西中不聞白蹄

彥歸彥由是怨惜

盡以其謀告二王侍中宋欽道

廣平人并之孫向

侍東宮面奏齊主曰二王權重宜速去之齊主不許

惜等乃奏李太后出二王為刺史宮人李昌儀即高

仲密之妻也李太后以啟示之昌儀密啟婁太后惜

等又議不可令二王俱出乃奏以湛鎮晉陽演錄尚

書事二王拜職于尚書省大會百僚惜等將赴之鄭

頤止之惜不聽湛伏家僅數十人于後室及宴與賀

拔仁斛律金等于坐執愔及天和欽道子獻歐之愔  
大言曰諸王反逆欲殺忠良邪尊天子削諸侯赤心  
奉國何罪之有使人執願願曰不用智者言至此命  
也二王與歸彥等擁愔等突入雲龍門至昭陽殿婁  
太后出坐殿上李太后及齊主側立演叩頭曰臣與  
陛下骨肉至親楊遵彥等欲獨擅朝權威福自己若  
不早圖必為宗社之害臣與湛等已共執之未敢刑  
戮專輒之罪誠當萬死

時衛士二十餘人皆被甲待詔武衛城永樂武力絕倫素

為顯祖所厚叩刀仰視齊主素吃訥倉猝不知所言  
婁太后令却伏不退又厲聲曰奴輩即今頭落乃此

永樂內  
刀而泣

婁太后乃讓齊主曰此等懷逆欲殺我二子

次將及我爾何為縱之齊主不能言婁太后怒且悲

曰豈可使我母子受漢老嫗斟酌李太后拜謝齊主

乃曰天子亦不敢為叔惜況此漢輩但勾兒命自下

殿去此屬任叔父處分遂皆斬之以中書令趙彥深

代楊愔總機務演為大丞相都督中外諸軍錄尚書

事

演遂如晉陽齊主詔軍國之  
政皆申晉陽大丞相規策

陳衡陽王昌自周歸于陳陳主殺之

初陳高祖以其子昌姪頊在長安屢請于周周不遣至是乃遣昌還昌致書陳主辭甚不遜陳主召侯安都謂曰太子將至須別就一藩歸老安都曰自古豈有被代天子臣愚不敢奉詔請自迎之于是陳主遂以昌為衡陽王昌濟江安都于中流殞之以溺告安都因進爵清遠公

陳遣使如周

初高祖遣毛喜

字伯武陽武人

從安成王頊詣江陵梁元帝

以喜為侍郎没于長安至是與昌俱還因進和親之策陳主乃使周弘正通好于周

夏四月周宇文護進毒弑其君毓毓弟魯公邕

太祖第四子

立

是為武帝

周主明敏有識量宇文護憚之使膳部中大夫

後周置屬

家宰胡三省曰唐光祿寺之職也

李安寘毒于糖餠

九餅也餠都曰反

而進

之周主覺之口授遺詔五百餘言且曰朕子年幼未

堪當國魯公邕朕之介弟寬仁大度海內共聞能弘

我周家必此子也遂殂

諡明皇帝廟號世宗葬昭陵

邕即位邕初

為世宗所親愛大事多與之叅議性深沉有遠識非

因顧問未嘗輒言

秋八月齊常山王演廢其主殷為濟南王而自立

是為孝昭

帝

演以王晞為司馬嘗密謂曰比諸勲貴敦迫言我違

天不祥恐當有變吾欲以法繩之何如晞曰比者殷



下倉猝所行非復人臣之事上下相疑何由可久殿  
下雖欲謙退恐墜先帝之基演曰卿勿多言晞又密  
以問趙彥深彥深曰我比亦驚此聲論每欲陳聞則  
口噤心悸弟既發端吾亦當昧死一披肝胆因勸演  
演遂言于婁太后趙道德曰相王不效周公輔成王  
而欲骨肉相奪不畏後世謂之篡邪未幾演復啟太  
后以人心未定恐奄忽變生須早定名位太后從之  
八月下令廢齊主殷為濟南王出居別宮以常山王

演入纂大統且戒之曰勿令濟南有他也演遂即位  
于晉陽詔封功臣禮賜耆老延訪直言褒賞死士追

贈名德

齊主演識度沈敏少居臺閣明習吏事即位尤自勵大革顯祖之弊嘗問舍人裴澤得

失對曰陛下聰明至公而頗傷細帝王之度頗為未弘齊主笑曰朕初臨萬幾慮不周悉致如此但恐後又嫌疎漏耳羣臣進言皆從容受納性至孝太后不豫容色貶悴衣不解帶食飲藥物皆手親之齊主欲以王晞為侍郎苦辭不受或勸之曰我少年以來聞要人多矣得志少時鮮不顛覆人主私恩何由可保萬一披猖求退無地非不好作要官但思之爛熟耳

陳太尉侯瑱攻湘州周遣軍司馬賀若敦代  
人救之

江陵之陷也巴湘之地皆入于周周使梁人守之至是陳太尉侯瑱等將兵逼湘州周遣軍司馬賀若敦將步騎救之又遣獨孤盛將水軍與敦俱進會秋水汎溢糧援斷絕敦恐瑱知之乃于營內多為土聚覆之以米召旁村人陽有訪問隨即遣之瑱以為實瑱

又增修營壘為久留之計

先是土人多乘輕船載米肉以餉瑱軍敦乃偽裝餉

船伏甲士于中瑱軍望見逆來爭取甲士出而擒之又敦軍數有東馬投瑱者敦乃別取一馬牽以趣船令船中逆以鞭鞭之如是再三馬畏不上然後伏兵江岸使人乘畏船馬詐降瑱軍瑱遣兵迎接馬畏船

不上伏發盡殺之後實有饒餉及亡降者瑱皆拒擊之

已而瑱襲破獨孤盛于

楊葉洲

胡三省注在湘江口

盛收兵登岸築城自保

是冬巴陵降陳獨孤

盛將餘衆潛遁侯瑱與賀若敦相持日久明年正月敦拔軍北歸于是巴湘遂入于陳

冬十一月齊以盧叔虎

柔從叔

為太子庶子

齊主問時務于叔虎叔虎請伐周曰我彊彼弱我富

彼貧其勢相懸然未能併吞者此失于不用彊富也

宜立重鎮于平陽與彼蒲州相對深溝高壘運糧積

甲彼閉關不出則蠶食其地若彼出兵則費損必多

我軍士年別一代

一年一更戌也

穀食豐饒彼來求戰我則

不應彼若退去我乘其弊與我相持農業且廢不過三年彼自破矣齊主深善之

十二月陳制春夏不斷死刑

齊置屯田

初齊境糴貴左丞蘇珍芝建議修石鼈

城名在揚州府寶應縣鄧

艾所築

等屯自是淮南軍防足食平州刺史嵇晞建議

開督亢陂

注見前

置屯田歲收稻粟四十萬石北境周

贍又于河內置懷義等屯

湖三省注齊分河內汲以郡為懷州置懷義等屯

給河南之費自是稍止轉輸之勞

辛陳天嘉二年周高祖武帝邕保定元年齊世祖武帝湛太寧元年

春正月周宇文護

自加都督中外諸軍事

又詔五府總于天官事無巨細皆先斷後聞

齊以王琳為揚州刺史

齊主使王琳出合肥召募更圖進取陳合州刺史裴

景徽請為鄉導齊主使琳與盧潛將兵赴之琳沈吟

不決景徽恐事泄挺身奔齊齊主以琳為驃騎開府

揚州刺史鎮壽陽

已而琳與潛有隙齊徵琳還鄴以潛為揚州刺史

二月周以韋孝寬為勳州刺史

周人以韋孝寬嘗立勳于玉壁乃置勳州于玉壁以

孝寬為刺史孝寬有恩信善用間諜故齊之動靜皆

先知之

齊境生胡數為抄掠不可誅討孝寬欲築城于險要以制之遣開府姚岳監之岳以兵少

不敢前孝寬曰北城距晉州四百餘里築之十日可畢吾一日創手三日敵境始知晉州徵兵三日方集

謀議之間自稽二日計其軍行二日不到我之城隍辦矣乃築之齊人果至境上疑有大軍停留不進其

築城備警非也  
不足以集事  
孝寬成于旬日  
之間使敵人猝  
不及覺其膽識  
勝姚岳遠甚然

亦幸而賊兵畏  
沮不前不役得  
如期而訖若謂  
考覈之按日送  
計皆能僥中不  
與則未免粉飾  
之過也

三月周制十二丁兵

周改八丁兵

境內丁兵分為八  
番以八節代役

為十二丁兵率歲一

月役

分為十二番  
每月一代

夏四月丙子朔日食

秋七月周更鑄錢

文曰布泉一當五與五銖並行

九月齊主演弒濟南王



濟南王在鄴望氣者言鄴中有天子氣平秦王歸彥

恐王復立勸齊主除之齊主乃使歸彥詣鄴徵濟南

王至晉陽殺之

初齊主之誅楊燕也許以長廣王湛為太弟既而立太子百年湛心不平

及齊主徵濟南王湛方守鄴問計于散騎常侍高元海元海曰有三策請殿下如梁孝王故事從數騎入

晉陽見太后主上請去兵權不干朝政此上策也不然表請青齊刺史沈靖自居此中策也更問下策曰

發言即恐族誅固逼之元海曰濟南世嫡主上奪之今集文武示以徵濟南之政斬高歸彥尊立齊南號

令天下以順討逆此萬世一時也湛大悅然未能用高元海高祖從孫

冬十月甲戌朔日食

十一月齊主演殂弟長廣王湛立

是為武成帝

廢太子百年

為樂陵王

齊主演出敗馬驚墜地絕肋婁太后視疾問濟南所

在者三齊主不對太后怒曰殺之邪不用吾言死其

宜矣遂去不顧齊主乃徵湛立之又與書曰百年無

罪可以樂處置之勿效前人遂殂

諡孝昭皇帝  
葬文靖陵遺命

至鄴湛猶疑其詐使所親先詣殯所發視使者復命

乃喜馳赴晉陽即位立百年為樂陵王

演不能吞腹湛  
獨能吞百年  
作法不戚丁寧  
嗟何及耶

周遣使如陳

周人許歸陳安成王頊使司會上士杜杲

杜杲字子暉杜陵人

如

陳陳主遣使報之并貽以黔中地及魯山郡

注俱見前

十二月陳立鹽賦權酤法

庶子虞荔

字山披寄之兄

中丞孔奐

字休文會稽山陰人

以國用不足

奏立之

士陳天嘉三年齊河清元年周保年定二年後梁世宗歸天保元年

春閏二月齊以高歸

彥為冀州刺史和士開

字彥通清都臨漳人

為黃門侍郎

平秦王歸彥為肅宗所厚恃勢驕盈至是侍中高元海等言其必為禍亂齊主亦尋其反覆之跡漸忌之以為冀州刺史齊主之為長廣王也和士開以善握槊彈琵琶有寵及即位累遷黃門侍郎高元海及中丞畢義雲黃門郎高乾和皆疾之將言其事士開乃奏元海等交納朋黨欲擅威福乾和由是被疎義雲納賂得為兗州刺史

歸彥至冀州內不自安欲待齊主如晉陽東盧人鄴事覺齊主

遣段韶等討之歸彥閉城拒守已而城破擒送鄴並其子孫皆棄市

陳改鑄五銖錢

梁末喪亂鐵錢不行民間私用鵝眼至是改鑄五銖錢一當鵝眼之十

後梁主詔殂太子歸立

是為文帝

後梁主安于儉素不好酒色以封疆褊隘邑居殘毀鬱鬱不得志疽發背而殂

謚曰宣帝廟號中宗

三月陳安成王頊自周歸于陳

周遣杜杲送頊南歸陳以為中書監陳主謂杲曰家

弟今蒙禮遣實周朝之惠然魯山不返亦恐未能及  
此杲對曰安成長安一布衣耳而陳之介弟也其價  
豈止一城而已哉本朝敦睦九族恕已及物上遵太  
祖遺旨下思繼好之義是以遣之南歸今乃云以尋  
常之土易骨肉之親非使臣之所敢聞也陳主甚慚  
曰前言戲之耳待杲有加頊妃柳氏及子叔寶

即後主

猶在穰城陳主復遣毛喜如周請之周人皆歸之

夏四月齊太后婁氏殂

齊主不改服服緋袍登三臺置酒作樂宮女進白袍  
和士開請止樂齊主怒撻之

齊青州言河水清

齊主遣使祭之改元

周始命貴臣食邑

先是周之羣臣受封爵者皆未給租賦至是詔聽寄

食他縣

癸陳天嘉四年周保定  
未三年齊河清二年

春正月齊以高元海為兗州刺

史

齊主終日酣飲朝事專委高元海又以元海庸俗輕  
之兗州刺史畢義雲作書與元海論時事給事中李  
孝貞得而奏之齊主由是疎元海以孝貞兼中書舍  
人徵義雲還朝和士開復譖元海齊主以馬鞭箠元  
海責曰汝昔教我反以弟反兄不義也以鄴城抗并  
州無智也出之兗州

二月周頒大律



周主命司憲大夫拓跋迪

周今諸元從  
本姓事具前

造大律二

十五篇行之其制罪一曰杖刑自十五至五十二

曰鞭刑自六十至百三曰徒刑自一年至五年四

曰流刑自二千五百里至四千五百里五曰死刑

磔

懸而  
縊之

絞

縋而  
殺之

斬梟

懸首  
示衆

裂

車裂  
也

凡二十五等

五刑

之屬各

有五

三月乙丑朔日食

齊城軹闕

在今懷慶府濟源縣西北遼征  
記太行八陁第一曰軹闕陁

齊詔司空斛律光督步騎二萬築勲掌城

以通勲掌谷故名

于軹關仍築長城二百里置十二戍

夏四月周主養老于太學

周主將視學以太傅燕國公于謹為三老仍賜以延年杖遂幸太學謹入門周主迎謹答拜有司設席

于中楹大師護設几謹升席南面憑几而坐大司馬

豆盧寧

豆盧代北複姓寧字永安徒河人

正舄周主立于斧扆之前

西面有司進饌周主跪設醬豆袒割謹食畢周主跪

受爵以醕有司徹周主北面立而訪道謹起立于席

後以對

言曰木受繩則正后從諫則聖明王虛心納諫以知得失天下乃安又曰去食去兵信不

可去願陛下守信勿失又曰有功必賞有罪必罰則為善者日進為惡者日止又曰言行者立身之基願陛下三思而言九慮而行勿使有過天子之過如日月之食人莫不知願陛下慎之

周主再拜

受言謹答拜禮成而出

六月陳殺其司空侯安都

初安都鎮京口恃功驕橫陳主銜之安都弗之覺嘗

陪樂遊園襖飲謂陳主曰何如作臨川王時陳主曰

此雖天命抑亦明公之力宴訖啟借供帳水飾明日  
載妻妾入宴安都坐御座賓客居羣臣位陳主惡之  
舍人蔡景歷希旨稱安都謀反陳主慮其不受召故  
以為江州刺史安都過建康陳主與宴又集其將帥  
會于朝堂于坐悉收之下詔暴其罪惡明日賜死

初高

祖與諸將宴杜僧明周文育侯安都各稱功伐高祖曰卿等悉良將也而皆有所短杜公志大而識闇卿于下而驕于上周侯文不擇人而推心過差侯即傲誕而無厭輕仇而肆志並非全身之道卒皆如其言

僧明病死江州文育為熊曇朗所殺安都至是被誅

齊主殺其河南王孝瑜

字正德文襄長子

齊侍中和士開有寵姦諂百端賞賜不可勝計每侍

左右言辭容止極諸鄙褻無復君臣之禮

士開嘗謂齊主曰自

古帝王盡為灰土堯舜桀紂竟復何異陛下宜及少壯極意為樂縱橫行之一日取快可敵十年國事盡

付大臣何慮不辦齊主大悅于是委趙彥深掌官爵元文選掌財用唐邕掌外兵白建掌騎兵馮子琮胡

長聚掌東宮三四日一視朝書數字而已白建字彥深太原陽邑人馮子琮信都人胡長聚國珍從曾

孫齊主使士開與胡后握槩河南王孝瑜諫曰皇后

天下之母豈可與臣下接手趙郡王叡

高祖弟琮之子

及士

開共譖孝瑜奢僭山東唯聞有河南王不聞有陛下  
齊主酖殺之諸侯在宮中者莫敢舉聲唯河間王孝

琬

文襄第三子

大哭而出

秋九月周及突厥侵齊

初周人欲與突厥連兵伐齊許納其女為后遣楊荐

字承畧秦郡寧夷人

及王慶

字興慶太原祁人

往結之齊人懼亦遣使

求昏于突厥木杆貪齊幣重欲執荐等送齊荐知之

責木杆背恩

周太祖以蠕蠕降衆付突厥事具前

木杆慘然良久乃許

為周出師然後送女于是周遣楊忠將步騎出北道  
與突厥伐齊又遣達奚武出南道期會于晉楊忠拔  
齊二十餘城突厥以十萬騎會之三道俱入時大雪  
平地數尺齊主自鄴倍道赴晉陽斛律光將步騎三  
萬屯平陽周師及突厥逼晉陽齊主欲走避之趙郡  
王叡河間王孝琬叩馬諫齊主命六軍進止皆取叡  
節度而使并州刺史段韶總之

齊湛昏庸更非  
洋比一時整軍

甲陳天嘉五年周保定  
申四年齊河清三年  
春正月齊主及周師戰于晉陽

振敵用段韶以  
停服是猶饒公  
敗戎天奪之鑒  
通盡其疾爾

周師敗績

齊主登北城軍容甚整突厥咎周人曰爾言齊亂故  
來伐之今齊人眼中亦有鐵何可當邪周人以步卒  
為前鋒從西山下去城二里許諸將咸欲逆擊之段  
韶曰步卒力勢有限今又積雪逆戰非便不如陳以  
待之彼勞我逸破之必矣既至齊悉其銳兵鼓譟而  
出突厥震駭引上西山不肯戰周師大敗而還突厥  
引兵出塞比至長城馬死且盡達奚武至平陽聞忠



退亦還

二月庚寅朔日食

三月齊頒律令制田賦

初齊顯祖命判定齊律久而不成決獄者罕依律文  
相承謂之變法從事及齊主即位思革其弊乃督修  
者至是而成其刑名有五一日死輶即車梟斬絞二

曰流投邊裔為兵三日刑自五歲至一歲四曰鞭自  
百至四十五曰杖自三十至十凡十五等其流內官

及老小閹癡并過失應贖者皆以絹代金是後為吏

者始守法令又令民十八受田輸租調二十充兵六

十免力役六十六還田免租調一夫受露田

注見前

十畝婦人四十畝奴婢依良人牛受六十畝

牧牛一頭受田

六十畝限四年

大率一夫一婦調絹一匹綿八兩墾租二石

義租五斗奴婢準良人之半牛調二尺墾租一斗義

租五升墾租送臺義租納郡以備水旱

周初令百官執笏

禮記玉藻笏度二尺有六寸其中博三寸其殺六分而去一唐會要笏制

上圓下方五品以上並用  
象九品以上任用竹木

夏六月白虹貫日齊主殺其兄之子樂陵王百年

時白虹圍日再重又橫貫而不達赤星見齊主欲以  
百年厭之百年嘗作數敕字教書者封奏之齊主怒  
使召百年百年知不免割帶決留與其妃斛律氏而  
入齊主遣左右亂捶之氣息將盡乃斬之棄諸池池  
水盡赤妃把袂哀號不食月餘亦卒袂猶在手拳不  
可開其父光自擊之乃開

秋八月丁亥朔日食

九月周封李昫為唐公

胡三省曰李氏有天  
下國號曰唐本此

昫虎之子也以追錄佐命元功封後昫卒子淵襲爵

即唐  
高祖

齊人歸宇文護之母于周

初周太祖之從賀拔岳在關中也遣人迎護于晉陽  
護母閭氏及周主之姑皆留晉陽齊人以配中山宮  
及護用事遣閭使入齊求之莫知音息及是周人謀

與突厥再伐齊齊主懼許歸護母且求通好先遣其  
姑歸令人為護母作書言護幼時數事又寄其所著  
錦袍以為信驗護得書悲不自勝齊人復使其母與  
書邀護重報往返再三乃遣之閭氏至周舉朝稱慶  
周主為之大赦時段韶拒突厥軍于塞下齊主將還  
護母遣使來傳問韶韶以周人反覆  
本無信義護名為相其實主也既為母請和不遣一  
介之使若據移書即送其母恐示之以弱不如且外  
許之待和親堅定遣  
之未晚齊主不聽

冬十月周宇文護會突厥侵齊十二月齊人及護戰于

洛陽大敗之

突厥自幽州還留屯塞北更集諸部兵遣使告周欲

與共擊齊如前約宇文護新得其母未欲伐齊又恐

負突厥約更生邊患不得已徵內外諸軍凡二十萬

人遣尉遲迴將前鋒趣洛陽權景宣

字暉遠天水顯親人

趣懸

瓠楊擿

字顯進正平高涼人

出軹關

景宣克齊二州擿輕敵深入為齊兵所敗遂降

十

一月周人攻洛陽不克護命諸將塹斷河陽路遏齊救

兵諸將以為齊兵必不敢出唯張斤侯而已齊主遣

蘭陵王長恭

一名孝璠文襄第四子

及大將軍斛律光救洛陽

又召并州刺史段韶督精騎繼進齊主亦自晉陽赴

之韶至洛陽與諸將觀周軍形勢至太和谷

即太谷注見前

與周軍遇馳告諸營追集騎士結陳以待韶為左軍

長恭為中軍光為右軍周人不意其至皆恐懼韶遙

謂曰汝宇文護纔得其母遽來為寇豈欲送死邪周

人以步兵上山逆戰韶且戰且却以誘之待其力弊

然後下馬擊之周師大敗死者甚衆在城下者亦解

圍遁去委棄資械彌滿川澤唯齊公憲

字毗賀突太祖第五子

達奚武王雄

字胡布頭太原人

在後拒戰

雄馳馬衝解律光陳光退走雄追之

按稍不及光者丈餘欲生擒之光唯餘一矢射雄中額雄走至營而卒軍衆益懼齊公憲拊循騎勵衆心小

安至夜收軍憲欲待明更戰武曰洛陽軍散人情震

駭若不因夜速還明日欲歸不得矣乃還護本無將

畧是行又非本心故敗

周滅宕昌置宕州

治宕昌郡唐為交河戍故城在今鞏昌府岷州

宕州王梁彌定屢寇周邊周討滅之一其地置宕州



乙陳天嘉六年周保定五  
酉年齊後主緯天統元年

夏四月陳侍中安成王頊免

頊以帝弟之重勢輕朝野直兵鮑僧叡恃頊勢為不

法御史中丞徐陵為奏彈之從南臺

御史臺為南臺

官屬引

奏案而入陳主為斂容正坐陵進讀奏版時頊侍殿

上流汗失色陵遣殿中御史引頊下殿陳主為之免

頊侍中朝廷肅然

彗星見齊主以湛傳位于太子緯

是為後主

自稱太上皇帝

以祖珽為秘書監

珽有文無行齊主以為中書侍郎遷散騎常侍

初珽嘗為

高祖功曹因宴失金叵羅于珽簪上得之又坐詐盜官粟鞭配甲坊又嘗坐贓當絞除名顯祖愛其才復

令直中書省齊主為長廣王珽言殿下有非常骨法及即位遂擢拜之珽與和士開共為姦諂私說士開

曰君之寵幸振古無比宮車一日晚駕欲何以克終士開因從問計珽曰宜說主上云文宣文宣孝昭之

子俱不得立今宜令皇太子早踐大位以定君臣之分若事成中宮少主必皆德君此萬全計也請君微

說主上令粗解珽常自外上表論之士開許諾

會彗星見太史奏云除舊布

新之象珽于是上書言陛下雖為天子未為極貴宜

傳位東宮且以上應天道齊主從之傳之于緯以太

子妃斛律氏為后于是羣公上尊號為太上皇帝軍  
國大事咸以聞使侍郎馮子琮左丞胡長繁輔導少  
主珽拜秘書監大被親寵

秋七月辛巳朔日食

冬十月周殺其中州

周置今河南府新安縣是

刺史賀若敦

周以函谷關城為通洛防

猶塞也

以賀若敦為中州刺

史鎮之敦恃才負氣以湘州之役全軍而返謂宜受  
賞翻得除名對臺使出怨言宇文護怒徵還逼令自

殺敦

臨死謂其子弼曰吾志平江南今而不果汝必成吾志吾以告死汝不可不思因引劍刺弼舌出

血以誠之弼字輔伯後為隋將

丙陳天康元年周天和元年齊天統二年

春正月己卯朔日食

通鑑綱目俱不書朔

武帝今依北史紀補書

夏四月陳以孔奐為太子詹事

陳主不豫尚書孔奐與安成王頊僕射到仲舉

字德洽

子等入侍醫藥陳主以太子伯宗

字奉業

柔弱謂頊曰

吾欲遵太伯之事頊拜泣固辭陳主又謂仲舉奐等

曰今三方鼎峙四海事重宜須長君卿等宜遵此意  
孔與流涕對曰皇太子聖德日躋安成王足為周旦  
若有廢立之心臣誠不敢奉詔陳主曰古之遺直復  
見于卿乃以與為太子詹事

陳主蒨殂太子伯宗立

是為廢帝

陳主疾甚遂殂

謚文皇帝廟號世祖葬永寧陵

遺詔太子即位

世祖起自

艱難知民疾苦性明察儉約每夜刺聞取外事分判  
者前後相續敕傳更籤于殿中者必授籤于階石之  
上令鎗然有聲曰吾雖眠亦令驚覺刺聞以雖蕭  
物曰刺聞宮中小門也就聞中判取外事故曰判聞

五月陳以安成王頊為司徒錄尚書事徐陵為吏部尚書

陵以梁末以來選授多濫乃為書示衆曰永定之時

聖朝草創白銀難得黃札

薄木板也用以書詔

易營權以官階

代于錢絹致令員外常侍路上比肩諮議叅軍市中無數今衣冠禮樂日富年華何可猶作舊意非理望也衆咸服之

冬十二月齊始用士人為縣令

魏末以來縣令多用廝役由是士流恥為之齊僕射  
元文遙以為縣令治民之本遂請革選密擇貴遊子  
弟發敕用之悉召集神武門令趙郡王叡宣旨慰諭  
而遣之齊之士人為縣令自此始

丁陳主伯宗光大元年周  
亥天和二年齊天統三年

春正月癸酉朔日食

二月陳安成王頊殺中書舍人劉師知又殺僕射到仲  
舉

師知與安成王頊到仲舉同受世祖遺詔輔政師知

見頊為朝野所屬忌之謀出頊于外東宮舍人殷不

佞

字季卿不害之弟

素以名節自任馳詣相府矯敕謂頊曰

今四方無事王可遷東府經理州務

揚州刺史治東府頊時居尚書

省故不佞今遷

中記室毛喜馳語頊曰此必非太后意須更

聞奏領軍將軍吳明徹亦贊之頊乃稱疾召師知與

語使喜入言于太后太后曰伯宗幼弱政事並委二

郎此非我意陳主亦曰此自師知等所為朕不知也

喜以報頊頊因因師知入見太后以師知付廷尉賜



死以仲舉為光祿大夫不佞少有孝行頊雅重之免

官而已自是國政盡歸于頊右衛將軍韓子高

會稽山陰

人與仲舉通謀事未發仲舉廢心不自安子高亦自危求出或告其謀頊召文武議立皇太子仲舉子高入皆執之下獄賜死

夏四月陳湘州刺史華皎

晉陵暨陽人

叛附于周

皎與韓子高俱為世祖所親任子高死皎內不自安遣使潛引周兵又自歸于梁陳安成王頊遣吳明徹

等襲之皎使至長安梁主亦上書言狀宇文護遣襄

州總管衛公直

字立羅定大祖子

等帥師助皎

曰周司會崔猷

死傷過半比雖猶振廢疾未復今陳氏保境息民共  
敦和好豈可利其土地納其叛臣違盟約之信興無  
名之師乎九月梁遣其柱國王操將兵二萬會之周  
護不從

衛公直總水陸軍與皎俱下與吳明徹戰于沌口西

軍以艦載薪因風縱火俄而風轉自焚西軍大敗皎

直俱奔江陵

是月陳將程靈洗以舟師襲周沔州刺史裴寬拒戰靈洗擒之明年吳明徹乘

勝進攻江陵以水灌之梁王操晝夜拒守擊  
明徹敗之陳師乃退裴寬字長寬聞喜人

秋八月齊以東平王儼

字仁威齊主之弟

為司徒

儼有寵于上皇及胡后為司徒領御史中丞

魏故事中丞出

與太子分路王公皆遙駐車去牛頓輓于地以待其過少遲則前驅以赤棒棒之自還郭後此儀廢絕上

皇欲尊寵儼一遵舊制

儼性剛決嘗言于上皇曰尊兄懦何能

帥左右上皇每稱其才有廢立意胡后亦勸之既而

中止

儼尋徙封為琅邪王

冬十一月戊戌朔日食

齊流祖珽于光州

魏置隋改萊州今為府屬山東

珽與黃門侍郎劉逖友善珽欲求宰相乃疏僕射趙彥深元文遙及和士開罪狀令逖奏之逖不敢通彥深等聞之先詣上皇自陳上皇大怒執珽詰之珽因

陳士開等朋黨弄權賣官鬻獄事上皇曰爾乃謗我

鞭配甲坊尋徙光州桎梏置地牢中夜以蕪菁子

詩經

疏陸璣曰詩蕪菁幽州人或謂之芥為燭眼為所熏由是失明

戊陳光大二年周天和三年齊天統四年秋七月周隨公楊忠卒

忠子堅

即隋文帝

為小宮伯

後周置宮伯之貳

宇文護欲引以為

腹心忠曰兩姑之間難為婦汝其勿往堅乃辭之至

是忠卒堅襲爵

楊堅始見此

冬十一月壬辰朔日食

陳安成王頊廢其主伯宗為臨海王而殺始興王伯茂

字鬱之世祖第二子

始興王伯茂以安成王頊專政不平肆惡言頊遂以

太后令誣陳主云與劉師知華皎等通謀廢為臨海

王以安成王入篡又下令黜伯茂為溫麻

晉縣隋改曰連江今

屬福州府


侯置諸別館使盜殺之

### 齊主湛殂

先是齊上皇有疾僕射徐之才善醫療之既愈和士  
開欲得次遷乃出之才為兗州刺史而代之及是上  
皇疾復作驛追之才未至疾亟以後事屬和士開握  
其手曰勿負我遂殂士開秘喪三日不發黃門侍郎  
馮子琮謂曰升遐之事行路皆傳久而不舉恐有後  
變士開乃發喪

諡上皇曰武成皇帝廟號世祖葬永平陵世祖嫡裔湓侯沒紫賦重吏民

之苦



御批歷代通鑑輯覽卷四十五